
Scheibenschlagen

1999

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huira d'Grafer dron.

Thöni Maria

Dia Scheiba tia mar weit auße schiaßa,
und damit s'Mariali begriaßa.
Oft sieht ma di numma do in Gurnau
geara bisch im Lochbödele beim Bua und seir Frau.
Miar wünsch Dir viel Gsundheit und Lebasmuat
daß es dir no long geiht recht guat.

Fam Juen Klaus Anna

Damit's im Ruhestond it z'longweilig weart im Klaus,
kimmt bei's Juana a jungs Hintli ins Haus.
Deis isch ou gonz liab und schia
und gsund sell's ou sei, mit'm Hund spaziara giah.
Da Klaus sieht ma geduldi worta,
bis deis Hintli Gassi mocht beim Boum im Gorta.
Ober weil deis Viech dr Anni di gonza Mögel zerkrotzt,
isch ihr vorzua dr Kroga plotzt.
Sie seit zum Klaus, geah ruaf amol on
und frog, ob ma den Hund nit umtauscha konn.
Vielleicht gibts a Umtauschgarantie,
weil sinsch hon i bold di gonza Möbel hi.
Musikalisch isch dr Klaus ou und singa tuat er Tenor
z'Weihnacht wor er dabei beim Pianner Manderchor.
Ins kanntschi ou amol a Standli bringa,
miar loßa dr drfür nocha a Raketa auchasinga.

FA Maschler Karl

An Haufa Leit gia zum Maschler Auto schauga,
und teschta, ob dia Mitsubishi ou eppas tauga.
Und wem di nuia Woga z'viel koschta,
dem zoagt er di Gebrauchta, dia no nit so fescht roschta.
Auswohl hosch gnuag, deis sieht ma glei,
do isch für jed'n Gschmock und für jede Galdtascha eppas dabei.

Siegele Notburga

D'Burgl isch jo no rüschtig und fit,
sie fohrt ou fleißig bei da Pensionischtaausflügla mit.
S'letscht Johr wora sie in in Südtirol mit'm Bus,
do drin hatta sie d'Burgl foscht vergessa zum Schluß.
Am Nommitog geiht si a Bekonnte bsuacha,
do weart gratscht bei Kaffee und Kuacha.
Drnoch steiht sie beim Treffpunkt zur rechta Zeit,
ober dr Bus isch schua weck, wer woäß wia weit.
Gottseidonk kinnt ihna d'Burgl no in Sinn,
sie keara schnell um, sinsch stand sie eppa heind no in Südtirol drin.

Siegele Gerd

Mit dera Scheiba begriß mar da Siegele Gerd,
vo dem hommar s'gonz Johr wieder nuit keart.
So wiss mar ou nit viel z'berichta,
miar goubu, der tuat unterm Johr ofters d'Beweismittel vernichta.
Loß ins amol wissa, weil's ins wirkli wundert,
wos du so treibsch, di letschte Zeit in dem Johrhundert.

Siegele Werner

Dia Scheiba isch g'floga weit und schian,
auf inserer Lischta homm'r iatz d'Werner stiahn.
Beim Handl in Schönwies tuat er dia Computer troktiera
und dr'bei so manchn Fehler korrigiera.
A nuis Auto hot iatz ou nou hea miaßa,
damit d'r Werner konn überoll hinschiaßa.
Daß Du ou sich'r fohrsch auf inseri Stroßa
tian mar Dir nou a Raketa in Himm'l auchiblosa.

Fam Siegele Waldemar

Dr Waldemar schaut aus'm Fenschter vo Zeit zu Zeit,
wos es beim Maschler olls zum seicha geit.
Er sieht, wia sich eppar in dr Nocht,
bei ama Auto zum Schoffa mocht.
Will do uaner nu Auto schauga,
oder gor an Woga ausrauba?!
Schnell isch di Polizei alarmiert,
bevor beim Nochbor eppas greibers passiert.
Miar schiaßä dia Scheiba weit aucha
so an Privatdedektiv konn dr Maschler Karl sicher guat braucha.

Juen Monika

D'Moni isch a flotte Autofohrerin
und kurvt oll Tog auf Zoms aus und in.
Ou z'Mittog isch ihr dr Weg huam nit z'weit
weil's bei dr Mama olli eppas guats z'essa geit.
Nu mit'm Verkehr isch es a mords Plog
ober im Stau stiah kimmt für d'Moni nit in Frog.
Sie will nit z'spat in d'Orbeit keima
drum tuat si d'Ausweich über d'Stonzer Leita neima.
Vielleicht hot sie beim Schülerheim wella neima da Groda,
jedenfalls s'Auto hot kett an heida Schoda.
D'Moni hot braucht um'n Hols a mords Krausa,
iatz sieht ma si mit ama nuia, roata Flitzerla umasausa.

Fam Juen Josef Paula

Iatz loß mar a schiana Raketa marschiara,
und tia dr Paula zum 60-er gratuliara.
Im Jänner wor dia groß Feirerei,
an Haufa Verwondta und Bekonnta wora dabei.
Miar wünschä dir weiterhin viel Gsundheit und Schwung,
d'Orbeit in dr Bauschoft und deine Enkala holta di sicher no long jung.

Fam Juen Hubert Erika

Es isch jo nett, a Muinza im Haus,
ober wia schaut denn enker Tina aus?!
Isch sie eppa in a Mausfolla keima,
daß ma ihr hot miaßä da Schwonz obnehma?
Iatz hot sie zwor nu mia an Stummelschwonz,
ober da Meisla lot sie trotzdem kua Chance.
Miar hoba keart, d'Erika naht sich a Trocht,
wenn fertig bisch, loß di amol onschauga, in deir gonza Procht.

Fam Schmid Helmut Linde

Im Langatz hot dr Helli wia olla Johr
seina Zwetschgabäum gspritzt und deis isch wohr.
Und es isch noch a numma long gonga,
hot er dia Bäum ausreißa on'gonga.
Beim auffüllä vo seim Bongert hot'sn gmocht wetza,
drführ konner iatz d'nuia Bamla in d'Ebne setza.
Kaum wor dia Baustell holbwegs vorbei,
hot er ongfongt a nuie Groberei.
Unterm Haus sall isch 's a Procht,
hot dr Helli für sei Linde a Schwimmbod gmocht.
Und weil dr Helli gibt s'gonz Johr kua Ruah,
baut er für sein nuia Hänger neb'm Stodl a Garaschli dazua.

Fam Schmid Harald Angelika

Dr Harald hot iats a nuis Hobby gfunda,
er draht mit am Motorradli seine Runda.
Deis isch an richtiger Ausgleich für ihn,
da kimmt'r sich vor wia dar James Dean.
Über d'Angelika wella mar ou nou a paar nWörter verlierä,
si tuat bei'r Fuirwehr fescht mitorganisierä.
Sou hot sie ins zur Weihnachtsfeier gmocht an Haufa Kanabeis,
a paar weara sich froga was ischdenn deis?
Deis sein sou kluana Breatla wunderschian hergerichtat.
sal ischas bold schod, daß die weara beim Essa vernichtat.
Außerdem tuat ins d'Angelika olli halfa beim Sprichla mocha,
und für deas lossa mar iatz an Böller krocha.
Und a Scheiba schloga mar ou nou durchaus,
hoffatli treffa mar nit vom Harald's Haus.

.....

Fam Grießer Hubert Rosmarie

So an Urlaub auf Mallorca isch hold a Gschicht,
bei dr Onreise mocha die Grießers ober a longs Gsicht.
Deis Hotel isch saggrisch überbuacht.
d'Reisegsellschaft hot a Ersotzunterkunft gsuacht.
Der Urlaub fongt jo schua guat on,
und übernochtet sell mar im Hotel Ballermann!
Do hoba sie beim Hubert da folscha dr'wischt,
nit umasinsch wor er long gnuag Polizischt.
Deis wear mar glei hoba, deis war decht glocht,
in der Bude bleib i nit ua Nocht!
Er pockt sei Radli und fohrt ins richtig Hotel
do isch mei Buchung und iatz gebts mar mei Zimmer, ober schnell.
Schlußendli sei si glondet im richtigen Bett,
und der Urlaub wor ob iatz gonz nett.

Fam Scheiber Helmut Martha

Im huiriga Wint'r gibt's an haufa Schnea
drum sieht man d'Martha mit'm Rod'l olli in Sea.
Mit'm Klinschta sieht man sie auf d'r Rodlbohn schneidi umchafetza
und an so manchi ondara Rodl'r vorbeifetza.
D'Fuirwehr mecht Dir ou nou zum 40er gratuliera,
drum lossa miar nou a Raketa zum Himm'l marschiera.

Rainalter Ekehardt

Dr Eki hot huira da Führerscheinkurs absolviert,
und glei a Gald in a nuis Auto investiert.
A 'Nissan Micra Mouse' hot's miaßa sein,
der lot sich guat lenka und isch ou beim Scholta recht fein.
Ober wias hold so isch an deis Auto hot er sich gwehnt
und drfür hot er's Auto vo dr Mama nou nit aso kennt.
Zwischen Pfunds und Londegg ischas nocha passiert,
er hot den Audi auf a Maura aucha manövriert.
Du Eki, do moch dr lei nit z'viel draus,
daß dr deis nit nou amol passiert, isch d'negscht Scheiba
für di und dei Micra Mouse.

Fam Rainalter Eckehardt Hella

Als negscht's weart dr Eckehard traktiert
weil der hot auf dr Motorsoga d'Ketta verkehrt montiert.
Deswega brauchsch it glei a nuia Ketta koufa
und drmit zum Nochbor loufa.
Als Installateur wearsch deis it verstiah,
daß di Zacka vo dr Ketta miaßa vorwärts stiah.
Ou d'Hella isch a fleißige Frau,
und baut mittelt in dr Wiesa an Hügl au.
Zearsch a poor Stauda, nocha Loub und Eard
ob deis, wenna fertig isch, a Hügelbeet weart?
Do drau hot sie ollerhond onbaut,
verschiedene Bluama und derzwischa a Kraut.

Fam Moschen Stefan Susanne

Im Stefan tia mar iatzs gratuliara,
weil der tuat iats MFA (Mädchen für alles) studiara.
Do wearts iats oll neugierig weara
ober frogt's grod da Stefan, der kann's enk erklära.
Do muaß er ou im Gelände agiara
drum tuat er iats an Jeep chauffia.
Ober d'Chefin vom Cafe isch decht d'Susanne
und deswega hau mar iats no an Pöller in d'Pfanne.

Fam Huber Robert Gabi

Dr Hans-Robert und sei Frau
dia sei boade ziemli schlau;
dia koufa si jeds Johr a nuis Haus
und leba in Saus und Braus.
Iatz tia mar ober no a Raketa weit aucha schiaßa
weil mar ins amol bei dr Gabi und im Hans-Robert bedonka miaßa.
Sei's für d'Weihnachtsfeier oder Scheibaschloga,
wenn d'Fuirwehr a Brot braucht, kann sie's beim Huber-Bäck gratis hoba.
Sie bringa ins d'Semml und d'Breza bis vor's Haus
drum hoba sie sich verdiant vo ins an groaßa Applaus.

Fam Schütz Egon Sissi

Miar hoba olla nu a so bleid gschaut,
wos dr Egon zur nui Garage für a Zuafohrt baut.
Als earschter hot er dia Stauda ausgrissa
und si oll in d'Mull aucha gschmissa.
Miar hoffa, daß es iatz kuan Unfoll geit,
wenn d'Sissi mit'm Binikin in der Wiesa douba leit.
Do wearsch wieder a poor Stauda brauchta,
weil ma sieht bis zur Terasse aucha.
Iatz lossa mir nou an lauta Schuß,
für'n Egon sein Vollonschluß.

Schütz Caroline

D'r Caro hot's in Gurnau gor nomma gfolla,
drum wohnt sie iatz beim Freind in dr nuia Folla.
In Perjen tuat sie iatz an Haushalt fiahra
und beim Blickpunkt weiterhin Inserate konstruiara.
Im Herbscht bisch ou nit dr'huam blieba,
sondern es hot di auf Florida trieba.
Daß mar di ober nit gonz verliara,
loß mar nou a Raketa marschiara.

Schütz Florian

Dr Florian tuat si fescht auf'Matura konzentriara
daneba fohrt er no a poor Madla spaziara.
Er hot s'letscht Johr da Führerschei bestonda
iatz fohrt er lei mia umanonder.
Beim Obstond holta hot er si ou schua verschätzt
und a Stoßstonga vom Mercedes verletzt.
Tua nu dei Geduld nit verliara
drum loß mar dir no an Böller krepiaara.

Larcher Carmen

D' Carmen isch deis Johr s'earscht Mol auf dr Lischta,
und miar wissa ou glei wos z'berichta.
D'Schual hot sie pockt mit Bravour,
obr sie hot si nit glegt zur Ruah.
Auf dr Bank sieht ma sie iatz olli umarennä,
und da Leit an Kredit aufzwenga.
A Auto hot nochä ou no hea miaßä,
damit sie jeden Tog konn in d'Orbeit schiaßä.
Deis Auto hot am Mardr obr ou guat gfolla,
der isch nochä glei über's Startkabel hergfolla.

Fam Larcher Peter Margret

Dia Scheiba tia mar weit außaschiaßa,
und inser Frau Gemeinderat begriaßa.
Dia Wohla im letschta Johr,
hoba brocht dr Margreth a poor graue Hoor.
Dr Drucktuifl hot auf dera Lischta olls verdraht
wia sie deis gmerkt hot, wor's schua z'spat.
D'Fuirwehr lot dr no an Böller knolla
daß dr d'Orbat für d'Gemeinde tuat no long gfolla.
Ou vom Peter heart ma ollerhond
er isch dr fleißigscht Eisabohner im gonza Lond.
Er draht im Bezirk mit seim Loschter di Runda
und woaß bold numma wohin mit da Überstunda.
Trotzdem gibt's no freia Zeita,
do isch er natürlig bei seina Roß und geat mit'na reita.

Vogt Helga

Bar Helga lossa miar iatz z'earsch a Raketa marschiera
zur Frau Magistra tian mar herzlich gratuliera.
A schwar's Studium isch s'psychologische Foch
ober iatz hosch an Haufa Wissa unterm Doch.
Auf d'r Couch konn ma do dia Patienta kuriera
vielleicht konsch ins Fuirwehrlar ou amol über dia Couchmethoda instruiera.

Vogt Irene

Mit d'r Irene isch dös a Gfrett
miar wissa nu, daß d'r Freind TOM hoaßa sett.
Du muasch iatz olli Tom und nit Tommy riafa,
sinsch tuat Dir vor Nachborschoft d'r Koter um d'Fiaß umchaschliafa.
Du wearsch ober dean Unterschied schua kenna,
weil d'r Tom tuat mit zwoa und d'r Tommy mit vier Fiaß umcharena.

Vogt Stefan

Mit da Auto hot d'r Stefan a Leida,
manchmol tuat ihm a Leitschiena d'Karosserie aufschneida.
Voarna und hinta isch dear Korra demoliert,
hosch eppa d'r mit Billard g'spielt.
Die Maße stimma iatz bei weitem numma,
drum fohrt er lei mia auf kuzra Strecke umma.

Vogt Herta

D´Herta sieht man im Summ´r mit´m Radla umchabohra
deas isch jo viel gsünd´r als mit´m Bus umchafohra
Die olta Leit tuat sie fürsorglich pflega
damit dia nou viela Johr leba.
Den Job, was d´Herta mocht isch sicher nit olli a morzt Freid
Ob´r die olta Leit donka Dir´s sicher im a schiana Gebet.
Daß Du nou tuasch viel Johr pfelga
tian miar Dir an Böll´r ins Fuir inni lega.

Schultes Sandra

Di Sandra steckt no voller Power
und will nit im Goschtgewerbe bleiba auf Dauer.
Si schaut sich um, wos es so olls geit,
und wos für an Job ihr bsunders leit.
Friseurin wor olli schua ihr Traum -
Hoorschneida und Frisura styln mit Schaum.
Miar wünsch dir, daß deine Pläne Wirklichkeit weara,
und loß wieder amol eppas vo dir heara.

Fam Schultes Hubert Brigitte

Dia Scheiba isch g floga, wos mar iath d´r zähla isch nit gloga.
Im gonza Haus kuan Woss´r mia, d´Gitta muaß im Truckna stiahn.
D´r Hubert hot a Dichtung austauscht und isch noch furt in seim Gneat
und hot v´r gessa, daß s´Wosser nou steaht.
Wia d´r Hubert huamkimmt isch d´r Installateur im Haus
do kennt sie d´r liabe Hubert numma aus.
Auf uanmol geaht ihm a Lichtli au
er geaht huamli in Kall´r und draht wieder da Haupthohna au.

Fam Marth Edmund Helene

Kondition isch vom Edi sein Wort,
drum fohrt er mit´m Radla und treibt Sport.
Mit Rosamahia settsch as amol probiera,
weil dös tat d´Muskla ou guat trainiera.
Ob´r d´r Edi, dear isch schlau
und hebt dean Sport für´n Schwiegervot´r au.
Wears besser konn, dear setts ou mocha
muant d´r Edi und hot guat locha.
Und daß dia Heinzlmannla in Übung bleiba
krocht nou an Böll´r zu deara Scheiba.

Landerer Claudia

D'Claudia isch unter dr Wocha in Innsbruck, deis isch bekohnt,
nu am Wochenend isch sie wieder umanond.
Sie tuat ou manchmol mitm'Freind und Eltern an Ball bsuacha,
do hockt ma g'miatli beinond bei Kaffee und Kuacha.
Miar wünscha dir viel Erfolg beim Studiara,
drum loß mar no a Raketa marschiara.

Fam Landerer Franz Elfriede

Beis Landerers hot's Nachwuchs geba,
dr Franz und d'Elfriede kenna wieder a kluans Enkali heba.
Und zu dem Glück kimmt no dazua,
deis isch bei enker Familie dr earschte Bua.
D'Elfriede muant, deis sei mir gor nit gweihnt,
drfür weart dr Martin iatz vo olla Seita fescht verweihnt.
Viel Freid wünscha mar enk mit dem Enkelkind
und schiaß a Raketa aucha gonz gschwind.

Carpentari Jürgen

Da Jürgen hoba d'Leit gsecha mit am Fohrschualloschter umakutschiara,
deis trifft sich gonz guat, weil miar bei dr Fuirwehr hoba öfters eppas zum Verfiakra.
Daß er beim Führerschein mocha gfloga isch heart ma ou nou munkla
er sogt, er hot glearnt, ober Jürgen sei ehrlich, deis eppa mit dr'Sonja im dunkla.
Deis kenna mar schua verstiah, weil eis hobt's es sicher fei und nett,
zu zwoat in enkerm nogelnuia Wosserbett.
Daß da beim Loschterfohra hosch nia an Unfoll sondern olli Glick,
wünscha mar dar olla, und di negscht Scheiba kimmt gonz dick.

Fam Carpentari Reinhard Michaela

Reinhard, di kenna mar bei dr Fuirwehr als Tormonn guat hoba,
ober bei dr Löschgruppe tata mar uan Monn ou no guat vertroga.
Deis tat inser Gruppa wieder verstärka,
beim Einsotz tat mar deis schua merka.
Keart hommar, dei Frau isch im Kronkahaas glega,
do hosch sa miaßa di earscht Zeit sicher guat pflega.
Daß es dir und deiner Familie recht guat geahrt
hot dia schia Raketa iats enk keart.

Fam Carpentari Sandrino Rosmarie

Dr Sandrino hot a nuis Hobby gfunda,
er draht iatz mit am Motorradli gonz stolz seina Runda.
Di PS und dr Hubraum sei dabei gonz wichtig
sinsch ziacht dia Maschin vo unta aua nit richtig.
So ischas passiert mit dr Rosi hinta drau,
Sandrino, d'Rosi war wirkli kua schware Frau.
Isch z'letscht eppa decht s'Motorradli z'schwoch,
deis wella mar nit beurteila, miar sei jo nit vom Foch.
Der Bller isch drfr, da du mit dem G'fhrt decht nou viel Freid hosch
und miar mechta di froga, ob ins vielleicht amol an Bug losch.

Fam Carpentari Reinhard Marlies

Beim Reinhard kenna mar lei sogu,
wenn er mua Bsoffna huam fohra
do konn man guat hoba,
ober er lot si als Taxifohrer sicher ou nit ploga.
Weil wenn di Fohrgscht bleid tia
do bleibt er uafoch stiah und lot sa z'fua weitergiah.
Fr deis Johr wnscha mar enk s'ollerbescht,
und schiaa a Raketa aucha z'lescht.

Pfisterer Dieter Khler Christine

Die Christine geiht fleii spaziaru mit ihrem Hund
dafr isch im Dieter z'schod jede Stund.
Beir Infahrt auf d'Soga schmeit er ihn vom Auto aua
deis Viechli mua iatz z'fua zum Haus aucha sausa.
Ober so a Spaziergangli mit'm Hund
war fr die sicher ou gonz gsund.

Pfisterer Peter

Dr Peter beim Heer
deis isch g'wesa a heida Gscher.
In Innsbruck in dr Kaserna isch er g'wesa
Bei dr Woch hot er jo viel Zeit kett zum Lesu.
Sinsch hot er Longweil und Triabsol blosa,
do hot'r si manchmol in Grins im Mauli uan onblosa.
Mir deir Freindin wiss mar nit, wos do louft,
drfr hommar dr a schiana Raketa kouft.

Pfisterer Bernd

Dr Bernd hot si huira an nuia Fernseher kouft,
do isch er si sicher, daß a super Show louft.
Aufs Doch hot er sich an Satelit auchagmocht,
iatz hot er a Bild, deis isch grod a Procht.
Viel Freid settasch damit hoba,
miar tia dr dafür dia Scheiba weit ochaschloga.

Fam Schütz Erwin Christine

Seit huira sieht ma in Gurnau a gonz liabs Auto umaflitza,
deis weart eppa dr Erwin und d'Christine besitza.
Daß ma deis Auto ou guat sieht und niut passiert,
hoba sie's glei nui lackiert.
Gelb hot dia Forb sei miaßa, do muaß ma gor nit froga,
iatz konn dr Ewin mit dem Flitzer ou beim Streng vorfohra.
Daß weiterhin fohrt's sicher und schnell
schiaß mar a Raketa in Himmel gonz hell.

Fam Walter Markus Sybille

Beim Markus und dr Sibylle hoba mir gmuant,
iatz isch der Umbau vorbei,
und schua wieder geats los mit der Groberei.
Der Bagger hot dia Gortamaura zamagrissa,
und glei auf's Loschtauto aucha gschmissa.
Z'letscht hoba sie umcha gmocht nou dia Eard
ob auf dem Schouderfleck amol a Terasse weard.
Dia Buaba weara im Summer oll hinter'm Zau dert passa,
wenn d'Sibylle liegt im Bikini auf der Terasa.

Walter Berta

D' Berta fohrt auf Innsbruck oll Wocha,
im Arnold a bißli aufrauma und kocha.
Nou eppas wissa mir gonz g'wies,
mit dr Marianne wor d'Berta fleißig am Ries.
Tua dir a guate Ausrüstung koufa,
wenn d'mechtsch wieder vo uaner Hütta zur ondera loufa.
A Handy kanntschi ou sicher braucha,
setsch dir amol da Fuaß verstaucha.
Daß dir bei deina Wonderunga nuit passiert,
iatz nou a Raketa marschieret.

Senn Anna

Bar Anna bleiba miar iatz stiahn und lossa glei a Raketa marschiera,
weil do geits deasmol eppas zum gratuliera.
Da Fünfasiebzg'r hot d'Anna am Kalend'r notiert
drum weard ou vor Fuirwehr herzlich gratuliert.
Bleib nou long so rüstig und lustig, wia mir di kenna
nocha weare miar für Di nou viel Scheiba onbrenna.

Fam Senn Werner Brigitte

S'letscht Johr hot dia Familie wirkli keat guat z,locha
z'feira hoba sie keat grod an Haufa Socha.
in Magister zum Recht hot d'r Werner mit Bravour ochagrissa
und nebabei ou nou da 40er gschmissa.
Z'feira hot er keat grod dreierlei,
weil d'Firstfeier vo'r Garasch wor ou nou dr'bei.
D'Fuirwehr hat bei deara Feier ou geara gratuliert,
miar hatt noch ou sich'r a Faßli spendiert.
Im Ministerium will'r onscheinend sein Monn iatz stella
drum loß miar nou an Böll'r schnella.

Senn Evi

D' Evi tuat deis Johr gonz fleißi studiara,
weil sie will in dr HAK jo d'Matura probiara.
In dr Schual hot's dr Evi in Haxa verrissa,
drum hot sie sich im Summr olli mit am Gips umagschmissa.
S'Nochtleba hot sie deis Johr ou entdeckt
drum trifft ma sie oft am a ondera Fleck.
Daß ins iatz tuasch nit verdriaßa,
tia mar no an Böller auchaschiaßa.

Senn Petra

Dr Petra gfolts in Linz recht guat
wo sie die Fanpost vom Lask bearbeita tuat.
Und drweil d'Fuaßbollner fleißig trainiara,
weart d'Petra di Finanza kontrolliara.
In dr Freizeit geiht sie ins Fitnesscenter und ins Solarium,
weil olli nu schufta, do war sie jo dumm.
Und sei will sie jo bsunders schian
wenn dr Michael zu ihr huam kinnt vo Wian.

Fam Senn Arnold Ursula

Di Wachau isch im Arnold sei erschte Wahl
do sitzt er guat in manch'm Lokal.
Er teschtet manch'n guata Wein
es konn ou a bsunderi Mischung sein.
Zu Roatwein, Pfeffer, Maggi Solz,
sogt er 'Tschagg die Mäuse' und kippt olls in sein Hols.
Entweder dr Arnold wor blau
oder er hot vom Weintrinka kuan Tau.
Und wenn d'Ursula am negshta Tog geht alluan
brauchschi sie nit suacha giah, si kimmt schua wieder huam.

Fam Winkler Franz Kreszenzia

A Scheiba in d'r Gluat, dös isch grad a Procht,
iatz weard Holt bas Winklars gmocht.
Am Franz gfollet dös sicher guat
wenn d'r Hund olli fescht balla tuat.
A Raketa losa miar nou marschiera,
Gsundheit tian miar winscha
weil miar sechsa geara, wenn ma Die viel sieht spaziera.

Fam Haslinger Hans Gertrud

Bam Hons kenna miar nu sogaa,
d'r Heard dahuam tuat ihn gor nit ploga.
Wenn Du huamkimmsch, soll war decht zum locha,
kannsch Dir nit amol schnell a Schnitzli mocha.
Do isch decht nit viel d'r bei,
grad a Würschtli sieda isch decht kua Hexerei.
Miar weara Di amol in an Kochkurs locka,
nocha konn d'Gertraud, wenn sie huamkimmt zum deckta Tisch zuchahocka.
A Raketa iatz nou singt,
daß Dir s'earscht Menü guat gelingt.

Fam Plattner Wolfgang Angelika

D'r Wolfgang tuat oberm Haus da Regawold kultiviera,
hoffentli tian nit glei d'Griana onmarschiera.
Er tuat die Fläche ober wieder guat b'setza
und ou ima Ackerla eppas setza.
Es weard ihn ob'r a bissli v'rdriaßa
wenn stott Erdäpfel Brennessla spriaßa.
Miar lossa nou a Raketa renna,
daß Di bam Erdäpfelklauba nit z'oft setsch brenna.

Fam Traxl Richard Frieda

Dia Natur tuat im Richard gfollla,
weil im Summer tuat ´r viel giahn und im Winter iatz ou d´Schi onschnolla.
Dös gfolllt d´r Frieda sich´r guat,
weil nocha hot d´r Vot´r an Haufa Kondition unter´m Huat.
Dia konn er dahuam nocha wied´r braucha, sall war decht zum locha,
für dia uana und ondara onstregada Socha.

Wucherer Brigitte

Bei dr Gitti, deis isch überoll bekohnt,
gibt's die beschta Schnitzel im gonza Lond.
Huiru hot sie dr Fuirwehr an Fuaßbolla spendiert,
und dafür hot sie vo ins olla a gonz herzlichs Donkschia verdiant.
Und daß mar deis nou bestärka kenna,
lossa mar d'Scheiba mit ara Raketa um d'Wett renna.

Kobler Gerald

Den Gerald hot auf uamol deis Reitfieber pockt
und schua isch er auf an so am Gaul douba kockt.
Vom Hochzeitsumzug bis zum Martiniritt
tuat dr Gerald überoll mit.
Olli konnsch dem Rössli ober ou it traua,
kaum schausch amol weck, tia sie schua o'haua.
Außa durch's Grommli über d'Garb bis aucha zur Sunna,
d'Roß voraus, dr Gerald hinta drein mit dera lohma Lunga.
S'negscht Mol muasch dia Roß bei am Boum onbinta
nocha brauchsch di in Zukunft nit aso schinta.

FAM Kobler Alfred Maria

Um an Fredl sei Pensionischtadosein braucht ma nit verdriaßa
er gealt olli nou a bißli schiaßa.
Daß der Zehner ou amol tuat blinka
muas er ollpott a Schlickli Zielwosser trinka.
Und im Fredl sei rechte Hond
gschaftlt fleißig im Schiaßstond umanond.
Ober sie mocht deis recht guat
weil sie a jeder loubu tuat.

FA Gosch Walter

Beir Gitti tuat ma in Walter ob und zua seicha,
a Bierli trinka und a Grumpa reicha.
Sei Heisli mecht er verkoufa,
ober deis will nit so recht loufa.
Dia Scheiba loß mar gonz weit außatreiba,
Walter, tua ins no long in Grof do erholta bleiba.

Dsubanka Maria

Dia Scheiba tia mar weit außatreiba
gesund sett d'Maria no long bleiba.
A bißli öfter unter d'Leit kanntesch giah,
deis war für ins olle bsunders schiah.
Bleib ins so wia du bisch,
so munter, jung und frisch.

Schlatter Maria

Es isch schua long hea do tuat si amol sogä
ins Paznau konnsch mi inni troga.
Iatz miaß mar sie decht a bißli ploga und frogä
wos sie drin schias tuat hoba?
An da Buaba konn's nit liega,
weil do tata d'Grofer Fuirwehrler siega.
Ober d'Koppler sei ins decht voraus,
sinsch war sie nit drin die 'Märi-Maus'.
Vielleicht kimmsch jo wieder her ins Grofer Haus,
sinsch schauts s'nägscht Johr mit ara Scheiba schlecht aus.
Huirä weart dia Scheiba no weit außafliga,
daß di Grofer Fuirwehr bold amol tuat a poor Jungfuirwehrler kriaga.

Schlatter Harald

A mords Handy mit Farbdisplay muaß ma hoba,
daß ma d'Freindin und d'Kollega unwichtige Socha konn frogä.
Für Silvester muaß ma an Haufa Geld verleba,
deis hat'sch gscheider ins Fuirwehrler gebä.
S'learnä auf'n LKW-Führerschein pockt dr Harry locker,
wenn ma Kollega hot, auf dia ma si verlossa konn, hauts uam ou nit vom Hocker.
So pockt er ou da theoretische Teil,
mit'm praktische löst er si no a bißli drweil.

Fam Schlatter Engelbert Stefanie

Di Stefani hot wia mir olla wissa,
in dr Fuirwehrhalle am Engl a Feschtli gschmissa.
Zum 50-er tia mir dir oll gratulärä,
und lossa a dickä Raketa marschiärä.
Hinter dir hosch iatz a holbs Johrhundert,
wos ins bei der Hoorprocht gor nit so wundert.
Da jungä Madlä brauchsch iatz ou numma gfolle,
in Zoms dunta dia 130 mögä di olla

Nöbl Hannes

Dr Hannes isch ingruckt ins Militär
deis wor für d'Londegger Kaserne a heida Gshear.
Schiaßa hot er nämli s gonz Johr nit derfa
deis isch so manchem Vizeleutnant gonga auf d'Nerva.
Ins Soldotaheim miaß mar den Kerl tia
deis weart jeder verstiah.
Unter Togs braucht dr Hannes beim Paras nit viel denka
drfür tuat er sich am Obat fleißig beim 'Joans' Biarla inschenka.
Zum Obschluß tia mar iatz no zur Matura gratuliara,
und a schiana Raketa spendiara.

Nöbl Thomas

Fuirwehr, deis isch für'n Thomas ollerhond
bei dr Pumpa kennt er si aus, deis isch für ins sicher kua Schond.
Bei dr LKW-Prüfung isch dr Tommi guat auf'm Weg,
er fohrt um a Kurva, do kinnt vom Ronni dr Bruader z'weg.
Er denkt si - sell i den Lotter zommfiahra,
- oder an Vollbremser riskiara
- oder decht dia Sperrlinie ignoriara.
Dr Tommi suacht si die 3. Möglichkeit außa,
und schua loßt ma ihn durch d'Prüfung sausa.
So hot er hold zwoa Mol ontreta miaßa,
miar tia dr dafür no an Böller schiaßa.

Nöbl Anna

D'Nöbl Anna so lossa mar ins sogä
hot a klianers Problemchen mit ihra Ohra.
Do hot sie beim Fernsehschauga d'Nochrichta bold numma keart,
drum auf die Schnelle an Kopfhörer kouft weart.
Do hängt iatz der olt Fernseher an dem nuia Gerät
na mit dem hot d'Anna schua überhaupt kua Freid.
Drum tuat sie sofort mit'm Elektriker telefoniara,
daß er ihra kimmt an nuia Fernseher installiara.
Und daß mar di nou long kenna mit inserta Sprichla necka,
tia mar di iatz nou mit a nam Böller dr'schrecka.

Nöbl Ferdinand

Da Ferdl, so hot ma ins derzehlt, hot im Summer des Bergsteigerfiaber drwischt,
wou ihm hot sei Tochter auf ara Hitta guata Socha auftischt.
Bold a jedes Wochenende isch er aucha auf dia Hitta,
und deis in ara Gschwindigkeit, als hatt'n dr Tuifl gritta.
Ob do douba nit nou eppas anders gweisa isch traua mar ins nit z'soga,
deis miaßats ihn schua salber frogä.
Totsoch isch, daß bei ihm isch a nette Frau inzoucha
drum wünschä mar enk Glück und schmeißä nou an Böller ocha.

Stöffler Edmund

Dia Scheiba tia mar weit außaschiaßa
und damit vor Kathi da nuia Untermieter begriaßa.
Viel hommar vo dir no nit drfrot
d Kathi hot sich jedenfolls bei ins no nit beklogt.
Edmund, miar weara di besser kennalearna beim Kassara,
nocha wear mar s'nägscht Johr a saftigers Sprichli riskiara.

Kirschner Katharina

Mit deara Scheiba mocha miar iatz bar Kathi Roscht
weil sie salber isch olli am Weg, dös Kanoscht.
Viel geits v´r Kathi huira nit zum sogä,
drum passa miar au und weare Di s,negscht Johr wied´r plogä.
An Böll´r lossa miar nou krepiera,
nocha reda miar weit´´r bam kassiera.

Vidakusic Radovan

Dr Radovan, deis isch da meishta bekonnt,
spielt mit beim Grof-Gurnauer Fuaßbollverbond.
Ober damit will er sich nit begniaga,
am liabschta tat er geara salber a poor Leit trainiara.
Und deis isch nit s'uanzigscht, wos dr Radi in Aussicht hot,
er mecht ou geara a Gschäftli offmocha in seiner Heimatstodt.
Bei so viel Vorhoba winscha miar dir viel Glick,
dia Scheiba saust ocha daß dr Erfolg kimt gonz dick.

Gapp Sabine

Die Sabine hoba mar huira s'eascht Mol dabei
drum mechta mar 'griaßdi' sogä und a Scheiba fliagt ou schua glei.
Nu wos ins bei dir interessiara tat
isch, wer dir bringt Bluama und Schokolad'?
Isch deis zum Schluß dein Brotlieferant,
weil, so isch es nit, Buaba hatta mar z'Grof und z'Gurnau ou umanond,
dia di mit Bluama verweihna tata,
wos globsch denn, wia schnell mar uan für di gfunda hatta!
Auf jeden Foll hoffä mar, daß du tuasch nou long z'Grof do bleiba,
nocha kenna mar dr nou oft a Sprichli schreiba.

Fam Ruetz Markus

Im Markus und dr Christine schloga mar d'Scheiba bsunders weit oa,
weil sie in a poor Monat nou a Poppali hoba.
Miar sei schua gsponnt, wos dr Storch enk bringt,
ob bei enk nou a Biabli schreit oder a Madali singt.
Dr Johannes weart sich schua auf a Gschwischterli gfrea,
deis weart nit long daura, nocha weart er enk um a zwoats onfleha.
Miar wünsch a enker Familie viel Glück und Gsundheit
und daß enk s'nui Baby nit nachtweis durchschreit.

Petter Hedwig

Wenn dr Udo im Summer hot a Feirerei
hockt di Hedwig geara dabei.
Und daß sie sich konn a bißli revanchiara,
geahrt sie ob und zua mit'm Camillo spaziara.
Loß di vom Udo nit z'viel am Schmäh umafiahra,
miar tia dr dafür an Böller spendiara.

Fam Thurner Udo, Evelin

In Udo, wia mar keart hoba, tuat ruia sein nuia Woga,
Jeden Tog im Winter deis Auto obeisa deis tuat ihm drloada.
Do muaß eppas gscheicha
weil den Reifa auf dr Scheiba konn i gor numma seicha.
Do hot er glei im Nochbor sei Garage obkouft,
drum d'Evi ums Auto olli über d'Stroß oucha louft.
Daß enk in da Finger numma weart z'kolt,
iatz no an lauta Böller knollt.

FA Thurner Josef

Mit der Scheiba, dia mar aus dr Gluat iatz heba
loß mar di Firma Thurner hoach leba.
Di Firma besteht schua seit 25 Johr
deis isch gnuag Grund zum feira, sall isch klor.
D'Fuirwehr schließt sich da Glückwünsch' on
weil ma do schua da Huat ziacha konn.
So an gsunda Familienbetrieb isch für olla an Gewinn,
do finda an Haufa Leit Orbeit drin.
Für'n Betrieb wünsch mar weiterhin s'ollerbescht
und loß a Raketa aucha no z'lescht.

Dr. Praxmarer Andreas

Dia Scheiba tia mar weit aua schiaa
und damit in Praxmarer Andreas begriaa.
Wos der eppa s'gonz Johr trieba hot
orbeita tuat er jedenfolls bei dr SparVor in dr Stodt.
Miar wissa nit, in welcher Obteilung er hockt
und ob er da Leit s'Geld aus da Tascha lockt.
Damit di Bank weart Euro-fit,
orbeitet er sicher fleiig mit.

Pammer Herbert Kathrein Anni

Wenns regnet oder ob's Wetter isch schiah,
sieht ma da Herbert neba seim Taxi am Bohnhof stiah.
Er tuat mit seina Kollega diskutiara
und ob und zua a poor Leit verfiahra.
In dr Foschingszeit wor deis Gschft sicher im steiga,
weil zu der Zeit kua Mensch will niachter bleiba.

Fam Moschen Richard Anni

In Richard sieht ma togein togaus,
auakeima aus seim schiana Haus.
Er draht olli a Runde und geiht spaziara,
sall kant ma muana, er will nit sei Fitness verliara.
Fr d'Gsundheit isch deis sicher ou nit schlecht,
und wenn amol aus'm Haus bisch, ischas dr Anni sicher ou gonz recht.
Dia Scheiba isch fr die und dei Frau,
und frs Glck im negschta Johr lega mar nou an Bller obadrau.

FA Wille Harald

Mit dera Scheiba, wos mar iatz auatreiba
wella mar beim Wille Harald und seiner Firma bleiba.
In dr Firma hot ma vor lauter Orbat numma gwit, wo isch unta und ouba
do isch dr Harald in Urlaub g'floga.
Er hot sich uafoch verdruckt
stott da er sich hat in d'Hnd icha gspuckt.
Selcha Aktiona lo mar ober nit inreißa
weil sinsch tia galiga d'Leit da Chef aua schmeißa.
Trotzdem tia mar dir den Urlaub vergunna,
weil du sausasch eh schua wieder fleii in dr Firma uma.

FA Wille Egon

A schiana Scheiba loß mar iatz marschiara
damit tia mar dem Wille Egon zum 60-er gratuliara.
Auf seim Vorplotz hot er gmocht a groaßes Fescht
daß sein Parkplotz z'klua wor für seine Gäscht.
Dr Egon hot pochtet glei gonz gscheid
den Parkplotz vom Kofler, weil der wor nit so weit.
Iatz weart er freili numma so viel in dr Firma umadirigiara
und sich mia auf d'Jogd konzentriara.

FA Kofler

Seit miar z'Grof da Kofler hoba,
braucht dr BoFrost niana mia suacha fohra.
Do kriagt ma Pizza, Nudla und Fisch
deis tat iatz z'long daura, bis do olls aufzeilt isch.
Auf jeden Foll miaß mar 'n fescht loba,
weil mar nou nia a schlechts Woart keart hoba.
Und wenns amol mechtats da Plotz gspritzt hoba,
nocha brauchats es lei dr Fuirwehr sogä.

Horvarth Martha

Dia Scheiba für d'Martha schiaß mar außa gonz weit
weil sie hot hinter sich a schware Zeit.
S'Schicksol tuat uam selcha Schläg nit drspora
miar weara in Johann olli in guater Erinnerung bewohra.

Horvarth Thomas

Da Thomas hommar huira s'earscht Mol auf dr Lischta drau
er isch iatz 18, des wiss mar genau.
Sei groß Leidenschaft isch die Fuaßbollnerei,
er isch nit nu bei uar Monnschoft dabei.
Ma sieht ihn trainiera in Pians und in Grins,
als schneller Stürmer isch er ou bei ins.
Fuaßbollspiela isch jo guat und recht,
ober beir Fuirwehr isch es ou nit schlecht.
Setsch öfter Terminkollissiona kriaga,
sog's ins glei, nocha kenna mar ou a Prob verschiaba.

Fam Horvarth Erich Elisabeth

D'Elisabeth hot's Friahtjohr gor nomma erworta kenna,
drum hot dr Erich ins Außerfern um a Gewächshaus miaßa renna.
Kaum isch deis Hüttli im Gorta gstonda,
hot ma schua mit dem Inpflonza ongfonga.
Noch nit amol drei Wocha pflega und giaßa,
hoba sie schua in Salat und s'Gemüse kenna begriaßa.
Daß es enk deis Johr wieder so guat gedeiht,
iatz no laut und hell a Raketa in Himml schreit.

Fam Nitsche Kurdoglu Gerald Brigitte

Gibts a Ausstellung in dr Hagia Sophia in dr Türkei
isch dr Gerald auf olle Fäll dabei.
Ou deis Mobile bei dr Zommer Volksschul auf dr Wond
stommt vom Nietsche seiner Künschtlerhond.
Du hinterlosch in dr gonz Walt deine Spura,
weil bei dir giah a bißli ondersch di Uhra.

Fam Pichler Thomas Gabi

Dr Gabi und dem Thomas schloga mar huira di letscht Scheiba
weil iatz tuat's dia drei auf Folganoar aucha treiba.
Dert weart dr Gabi s'Kerzaliacht augiah,
wenn sie muaß oll Moargaz zum Fuirmocha austiah.
Wenn dr Thomas s'Wetter bestimmt für d'Gäsch
muaß er olli vom Wold mitnehma a poor Äscht.
Und traut er sich amol ohne Äscht huam keima
weart'm d'Gabi beim Computer schua da Strom o'klemma.

Schweiger Eva

Di Eva kenn mar nit long ploga,
weil sie sich tuat di Zeit auf da Hütta umaschloga.
Beneida tia mar di ober decht,
um dia Bergluft, weil dia sei nit schlecht.
Mit da Gäsch do muaß i di schua froga,
dia wearsch gonz nett ploga.
Dia Scheiba tia mar gonz weit außaschloga,
damit da konnsch nou a poor Tallara in Gschiarspialer troga.

Fam Schmid Robert Monika

Dia Weißtonna vor enkerm Haus wor a mords Procht,
auf uamol wor dia umgsagelt über Nocht.
Selcha Buabastreich sei wirkli nit zum locha,
wer konn denn selcha Blödsinn mocha?!
Miar heba dia Scheiba aus dr Gluat,
und hoffa, daß sich so eppas nit wiederhola tuat.

Maidel Johann

Dr Johann tuat ou wia ondere Leit
in Urlaub fohra vo Zeit zu Zeit.
Letschta Summer hockt er si in sei Wohnmobil
miar glouba, Kärnten wor sei Ziel.
Ober wias dr Tuifl hoba will beim Deitscha Egg daußa
hot's ihn verseckelt und er fohrt Richtung München außa.
Johann, loß dir s'nägscht Mol vom Willi an Bordcomputer installiara
nocha konn dr so eppas numma passiara.

Maidel Wilfried

Da Willi heart ma z'Grof do numma oft klocka,
der tuat iatz di muascht Zeit z'Gurnau in seiner Garage dinna hocka,
zum da Unfollauto d'Kotflügel ausbiaga
und do und det a Kratzerli repariara.
Nu isch am det eppa ou schua dr Plotz ausgonga
drum hot er glei mit ara nuia Infohrt ongfonga.
Dia hot er breater gmocht zum Auto rangiara,
oder fongt er zum Schluß on Lostwoga repariara?
Miar wünsch dir, daß deine Auto olla gonz bleiba,
drum schlog mar dir außa a schiana Scheiba.

Spiss Elvis

In Elvis mechta mar z'Grof do recht herzli begriaßa
und ob huira tuasch beim Scheibaschloga zumindescht in da Sprichla
für deina Sünd a biaßa.
Daß du guat kocha konsch, deis homar schua keart
und durch dein Beruf weit uma kisch ou kua Geheimnis sei weart.
Ob z'St. Anton z'Ischgl oder im Grinnerhof doba,
s'Essa sei guat oder isch deis dr'loga?
Miar weara dei Kochkunscht schua amol ausprobiara,
und lossa dr zum Schluß nou a Raketa marschiara.

Matt Christian

In Christian sieht ma ziemlich oft mit'm Auto umafohra,
sall kannt ma muana, er hot an mords Stolz mit seim Korra.
Ma sigt'n olli durch d'Stodt durchbrausa,
ober links und rechts do schaut er nia außa.
Er isch woll so beschäftigt, weil er olli telefoniert,
miar hoffa, du hosch dr schua a Freisprechonlog installiert.
Weil deis isch iatz vom Gesetz her Pflicht,
und wenn di nit dron holtesch kannt sei,
daß sie dr mocha di Handy-Leitung dicht.

Fam Matt Richard Rosi

Will dr Richard am Obat nou a bißli aus'm Haus,
kinnt er mit'm Auto foscht numma aus.
Drum nimmt er sich a Grundstuck in Pocht
und hot glei an Zaun drum uma gmocht.
Zur Zier hot er zwoa Bluamatrög augstellt,
drführ dir iatz an Böller schnell.

Haslwanter Albert Petter Johann

Iatz lossa mar no an Böller krocha
um im Albert und im Joschi a Freid z'mocha.
Dr Albert deis isch an groaßer Künschtler, er molt schiane Bilder
und dr Joschi hot sich g'holt im Schifohra Silber.
Und weil miar sie huira tia zum earschta Mol do begriaßa,
lossa miar nou a Raketa in Himmel aucha schiaßa.

Fam Matt Egon Annemarie

Seit dr Egon isch in Pension
fongt er olla Blödsinn on.
Iatz hot er sogor nou Nachwuchs kriagt,
miar wissa it, hot er's wella oder isch es uafoch passiert.
6 wulliga netta Hund
miar hoffa, sie sei g'fraßig und ou gsund.
Daß sie guat verkoufa konnsch, daß si dir nit oll bleiba,
schloga miar dir a schiana Scheiba.

Prantauer Schimpfössl Anna Fini

Uanmol im Jahr kimmt im Fernsehn d'r Silvesterstodl, dös woäß d`Anna genau.
und wenn d'r Moik kimmt, bleibt sie gera long au.
Dös isch Ihra ob'r nit gelunga,
weil stott d'r Moik hoba da gonza Obad d'Engl gsunga.
Bar Medizin hot sie eppas verwechselt und hot Schloftabletta geschluckt,
drum hot sie stott MOIK SCHAUA g'schlofa wia v'ruckt.

Alscher Erika -Katharina Schap.

Wos ma bei'r Erika jeds Jahr sogä konn,
sie und ihr Hund sei a guats Gspönn.
Enker Streckaleistung pro Jahr tat ins amol interessiara,
ma kannt jo im Colli an Kilometerzähler montiara.
Miar wünschä dir und deir Mama recht a guats Jahr
und schiaßä dia Raketa aucha hell und klor.

FA Jais Werkstätte

Bei dem Schnea fohra di Deitscha mit da Summerroafa lei mia im Kreis,
do kenna sie glei zuakeara bei der Firma Jais.
Di beschta Winterroafa und Ketta kenna si do montiara
bei da rutschigschta Stroßa konn nocha nuit mia passiara.
Miar wünsch enk, daß's Gschäft weiter guat louft,
und jeder seina Roafa bei enk daußa kouft.

Meier Gerlinde

Wem deis graue Wintergwond tuat verleida,
loßt sich im FMZ vor Gerlinde nui kleida.
Beim 'Adessa' zoagt sie da Leit
wos es für a tolle Frühjohrsmode geit.
Dia Scheiba tia mar weit außa schiaßa
vielleicht kenn mar di amol do beim Scheibaschloga begriaßa.

FA Streng

Iatz loß mar a hella Raketa marschiara
und tia nochträgli im Helmut zum 50-er gratuliara.
Zu dem Onloß hot's geba im Herbst a groaße Feirerei
vor Belegschoft bis zur Prominenz wor olls dabei.
Bei so viel Leit konn schua passiara,
daß d'Halle z'klua weart und ma muaß voarna und hinta a Zelt dronmontiara.
D'Mitorbeiter hoba peari grichtet und dekoriert den Sool
der hat's mit'm Stodtsool aufnehma kenna ollemol.
Sei Olter tuat im Helmut nit weah, er fühlt si no jung
und geahrt in d'Londtogswohla mit viel Schwung.
Damit kuan Kuß mia quietscht vertoalt er Lippastift
und für di vereista Scheiba an Krotzer mit schworzer Schrift.

Asia Cafe

Willsch a Töner-Kebab oder an schworza Tee
geasch bei ins zum ASIA - CAFE
Mechtasch Oliva oder an guata Kas vom Schof
deis kriagsch ou in dem Gschäft in Grof.
Und vom Liachtmoscht isch umagsponnt bis zum Boum
a Werbeleuchtschrift mit Gemeindestrom.
Der Onschluß wor ober defekt
drum hot ma den Schmäh ou bold entdeckt.

Schröcker Evelin

Für deis Sprichli vor Schröcker Evelyn
kimmt ins huira nit ollzuviel in Sinn.
Da Papa brauch mar nit frogä,
weil der tuat ins ihre Ausrutscher nit sogä.
In dr Bank arbeitet sie mit viel Schwung und Elan
daß die Euro-Umstellung louft noch Plan.

Fam Schröcker Herman Elfriede

Die Gsundheit isch im Hermann wichtig,
drum isch so a Kur grod richtig.
Do mocht er beim Programm fleißig mit
daß er drnoch isch gsund und fit.
D'Frieda tuat dahuam di Zeit guat nutza,
si geiht zum Rinner d'Ordination sauber putza.

Hotz Martin

Iatz isch dr Hotza Martin dron,
schauä mar amol, wos mar vu dem olls dr'zeila konn.
Zum Militär isch'r keima und tuat inser Lond beschitza,
und zu dem Zweck im Wold und im Dreck umaflitza.
Ober dr Martin denkt sich, holb so wild,
sou long lei sei Keyboard die richtigä Liadla dr'spielt.
Uans derfa mar ou nit außer Ocht lossa,
dr Martin hot d'Matura gmocht, isch deis zum Fossa.
Für dia Leistung schiaßä mar dar iatz a Scheiba,
und loß die beim Paras nit z'viel umanondertreiba.

Fam Hotz Stefan Petra

Dr Stefan, miar wissa nit, wia er deis schofft,
isch neba dr Orbeit ou nou Funktionär bei dr 'Junga Wirtschoft'.
Det muaß er an Haufa Socha organisiera,
weil als Obmann-Stellvertreter will er sicherlich brilliara.
Und als ob deis nit gnuag war tuat dr Stefan daneba,
an Haufa Socha mit seina Buaba unternehma.
Daß er ins beim Scheiba mocha k'holfä hot, mehta mar ou nou sogä,
und als Donk dafür tia mar dar iatz a sou a Brett ochaschlogä.

Fam Hotz Raimund Monika

Dr Raimund, deis isch wohl olla do bekonnt,
hot fürs Holz a guate Hond.
Wenn'r nit grod in dr Werkstott steaht,
er öfter in Wold zum sammla geaht.
Do tuat'r Preiselbeer rupfa und Schwammla brocka,
und ollpott amol an Fisch aus'm Wosser locka.
Daß da olli findasch an Haufa Socha,
lossa mar dir iatz an Böller krocha.

Hotz Lydia und Beate

D'Beate hot sich a nuis Auto zuaglegt
sie hot sich deis long und guat überlegt.
Iatz steaht der Opel vor'm Haus ins seir gonza Procht
der weart natürlich fleißig putzt und sauber gmocht.
D'Lydia hilft oft beim poliara
nu iatz im Winter tia d'Händ glei gfriara.
Miar loßa enk no an Böller krocha,
daß enk deis Auto no viel Freid sell mocha.

Hotz Hannes

A Wohnung ohne Haustier isch ou nit nett,
drum hot sich dr Hannes a Kotza zuaglegt.
Z'Weihnachta muaß ma sie umquartiar
und mit ara Box noch Grof transportiar.
An deis nui Drhuam muaß sie sich earsch g'wöhna,
ober d'Edith weart sa schua recht verwöhna.
Viel Erfolg wünsch mir beim studiara,
drum loß mar no an Böller krepia.

Fam Hotz Oskar Edith

Dr Oskar tuat si numma länger ploga,
er mocht s'Gschäft zua - um an Plan braucht gor kuar mia froga.
Drführ hosch iatz Zeit und konnsch besser deine Henna überwocha,
nocha hot dr Geir ou nuit mia z'locha.
Viel Gsundheit und Glück in dr Pension
wünscht dir die gonz Fuirwehrgarnison.